



GEDIG VOORDRAG KOMPETISIE.

2024



GRAAD 1 GEDIGTE:

BABA-MAATJIE

Mamma was sewe dae by die hospitaal –
al die tyd om 'n baba-maatjie vir my te haal.
Toe kom sy tuis met die mannetjie, maar ag!
Hy lag nie
Hy loop nie.
Hy sit nie.
Hy praat nie.
Die baba wil net die hele dag slaap –
en hy skree in plaas van te praat ...
Ek het nou genoeg van my baba-maat!

CN van der Merwe

SKILPAD

Skilpad slaap jy waar jy lê?
Hoor jy wat die korhaan sê:
Jou lelike ding met jou knoppies-dop
jou weglê-pote en skurwe kop
Toemaar, Skillie, jy's 'n skat
al maak jy ook so baie nat

F. du Plessis

BESOEK
WWW.NUKLEUS.CO.ZA/KULTUUR-KOMPETISIES
OM IN TE SKRYF





GEDIG VOORDRAG KOMPETISIE.

2024



DIE STOUTE HOENDERS

Heeldag het ek hard gewerk,
gespit, gehark, geplant:
ertappels en uie.
met walletjies aan die kant.
Nou kom al die hoenders
en pik en krap daar rond.
Kiep! jou slegte ding,
gee pad hier vir my grond!
Maar wag, hier is 'n emmer;
ek gaan dit gou vol tap.
Toe, kom julle nou net
weer in my tuintjie krap!
Waag jy dit? So ja!
Wat sê jy nou daarvan?
Ek het jou mos gewaarsku –
loop kry verkoue dan!

B Traas

BESOEK
WWW.NUKLEUS.CO.ZA/KULTUUR-KOMPETISIES
OM IN TE SKRYF

